

Communicaziun a las medias BCG

La BCG sustegna la fundaziun Scalottas cun 10'000 francs

Cuira, ils 21 da december 2016 – En num da ses collavuraturs regala la Banca Chantunala Grischuna (BCG) 10'000 francs da ses fond da contribuziun a la fundaziun Scalottas a Scharàns. Già per la novavla giada ha lieu ina tala acziun d'advent da la banca en favur d'ina organisaziun d'utilitad publica.

«Nus avain grond plaschair dal sustegn generus da la BCG che demussa reconuschienscha e stima per nossa lavur», declera Luzi Tschärner, directur da la fundaziun Scalottas. A chaschun da la surdada en las localitads da la fundaziun a Scharàns ha consegnà Markus Kohler, manader BCG regiun Tusaun, in schec simbolic per l'import da 10'000 francs. Sco center da cumpetenzza maina la fundaziun Scalottas ina chasa per instrucziun speziala e da dimora per uffants e creschids. Ella accumpogna per vita duranta umans cun grevs impediments e porscha assistenz, tgira, scolaziun, occupaziun e terapia conform als basegns.

Cun ses fond da contribuziun s'engascha la BCG per la regiun e demussa sia responsabladad sociala. Ella promova e sustegna projects betg commercials en e per il Grischun en ils secturs cultura, sport, economia/turissem sco era projects socials e d'utilitad publica cun var dus milliuns francs ad onn. L'onn 2016 èn quai stads 477 projects.

Ulteriuras infurmaziuns: www.scalottas.ch e [fond da contribuziun BCG](#).

Contact per las medias:

Banca Chantunala Grischuna, Medias & Investor Relations, chascha postala, 7001 Cuira
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'018 collavuraturs e collavuraturs (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 60 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quità a la bursa dapi ils 10 da settember 1985.

Termins

Quint annual 2016:	10 da favrer 2017
Radunanza dals participants:	8 d'avrigl 2017